



**Sel Prestuhn
Dieter F. Uchtdorf**
Mwet in Kahsruh Ahkluo ke
Prestuhnsi Se Met

Yac Kuht Kuh in Liye Kraist?

Sie fong ah pahpah mahtuh se sruhmuhn soko pihlenfong nuh sin tuhlihk muhtwacn yac ahkosr se nuhtin nahtuhl ke el ngwetack nuh luhng ac fahk, “Pahpah mahtuh, liye itu ah!” Mukul mahtuh sac isrwacsr srihsrihk kuhlwaenglac ac fahk, “Kuht oasr lun lohmu uh, uhni. Wacngihn itu inge.” Tuhsruhktuh tuhlihk sac kwacfe, “Oasr itu lun infuckihl lom uh! Liye!”

Pahpah mahtuh sac ngwetack nuh lucng ac, ke lut lal, el akihlenwack lah siling sac usriucklac ke mwe ahksahromrom ke mukutkut in osra. Inkaiyen pacl uh tiac liyeyuck, tuhsruhktu ke pacl ma kahlwem se srweyac mwe ahksahromrom ke sie atac, pwacyena lah oacna in acn se luhn itu uh. Muhtuh tuhlihk se pa liyacack ah, tuhsruhke elos oasr. Ke pacl sac fahlac, pacl nuh kwewa pahpah mahtuh sac utyak nuh lun infuckihl se inge ac ngwetack nuh lucng uh, el kuh in liye ma suc el koflah liye met.

Kuht ilyak nuh ke sie pacl in Christmas wolacna suc sesseslah ke on ac lahm, toeni in aengani ac mwe sang. Tuhsruhke tuh mwet uh nuh kwewa, kuht suc mempucl luhn alu uh suc ekihn en Mwet Lahngo enenuh in ngwetlah liki mwe na luhmah luhn pacl se inge ac liye ma yohk srihpac pwacye ac kahto ke pacl se ke yac inge.

Nga ke etuh lah mwet ekahsr fin acn Bethlehem etuh inpacl sac na, fototo nuh yohrohlos, ma Mwet Lahngo El isuslac? Wen nuhtin God, Misaia tuhpanyuck ac uliyuck ke pacl loeloes—El oasr inmahsrlolos!

Kowos esam ma lupufacn se fahk nuh sin mwet

liacacng sip ah? “Tuh isuslac nuh suwos misenge, in siti sel David, sie Mwet Lango, suc Leum Kraist.” Ac elos fahk nuh selos sifacna, “Lwelah kuht in som nuh Bethlehem, ac liye ma suc sikyak inge” (Luk 2:11, 15).

Oacna mwet liacacng sip somlah ah, kuht enenuh in fahk ke insiacsr, “Lwelah kuht in liye ma suc sikyak inge.” Kuht enenuh in kena kac ke insiacsr. Lwelah kuht in liye God Muhtahl luhn Israel lun iwen muhta luhn kosro, lun tempuhl, fin eol uh, ac fin sahseng uh. Oacna mwet liacacng sip an, lwelah kuht in ahkfuhlwactye ac kaksahkihn God ke pweng wo ke engan luhlahp!

Kuhtuh pacl uh ma upac emet in liye uh pa ma ma oan ye muhtahsr pacl nuh kwewa uh. Oacna pahpah mahtuh se ma koflah liye itu ke siling sac ah, kuhtuh pacl uh kuht koflahna liye ma mahnweklac ye muhtahsr uh.

Kuht suc lohng tari pweng wolacna ke tuhkuh luhn Wen nuhtin God, kuht suc eis nuh facsr Inel ac olwelah in fahsr ke inkacnek Lal in ekihn mwet sap Lal—kuht enenuh in tiac muhnaahslah in ikacslah insiacsr ac nuhnak lasr ac liyacl na pwacye.

Pacl in Christmas uh wolacna ke inkacnek pucspucs. El sie pacl in orwaclah mukwikwi ke luhngse pwacye in pahkomuhta ke kuhlwaeng ac aluhngsei luhn tamuhlwel. El sie pacl in lihksrweni lohacng nuh ke moul lasr sifacna uh ac ke mwe insewowo pucspucs lasr uh. El sie pacl in nuhnak muhnaahs ac oayacpac eis nuhnak muhnaahs. El sie pacl in pwacrkihn puhsrwen on ac

lahm uh, toeni aengani ac mwe sang an. Tuhsruhkuh tuh kuht in tiac lwelah ma wolacna ac sahromrom ke pacl se inge in ahklohsryelah muhtahsr in liye Fihsrack in Mislac ac fuhlwactlacna Lal.

Lwelah kuht in oruh pacl in Christmas ke yac se inge in mwe ahkengan ac ahkfuhlwact, sie pacl fal kuht in akikhlen usrnguck luhn God Kuhlacna suhpwacma Wen Sefanna Nahtuhl, Jisus Kraist, in molwelah facluh!

NUHNAK IN LUTI KE PWENG SE INGE

1. "Mukwikwi in lohacng uh kuh in orekmakihnyuck in orwacnah insacnweacng ac in kahsrh mwet lutlut an in lohacng lalos an nuh ke sifac ke mwe lutlut an. . . . Petsac uh kuhfa na yohk srihpac se in sang ahkkweye mwe nuhnak yohk ke mwe lutlut se ac kahsrh mwet lutlut uh in insacnweacng" (*Luti, Wacngin Pang Yohk Liki* 1999], 160, 176). Ke kowos muhtwacwack sruhmuhn pweng se inge, motko in orekmakin mukwikwi in lohacng ma oacna in ahkahlwemyeyuck sie petsac kuh akacsruhi ke sie ma suhmuhslah ac siyuck sin sucu an in nuhnkuh lah ac orekmakihnyuck fuhkah nuh ke pweng an.

2. "Sie ngwetngwet kuh finsrak yohk lowos an pa in kahsrwelos in kuh in orekmakin masap kuh akwuck luhn wosasuc uh ke ohiyac nuh kwewa ke lwen nuh kwewa uh. . . . Kahsrh mwet lutlut an in kuh in konwacack mwe insewowo tuhkuh ke kuht moulkihn wosasuc uh" (*Luti, Wacngin Pahng Yohk Liki*, 159). Tukun sramsramkihn pweng se inge, motko in siyuck sin mwet ke sucu an in sruhmuhn kuhtuh ma elos puhlakihn ke pacl somlah ke elos lohacng nuh sin Mwet Lahngo ke pacl in Christmas uh.

MWET FUHSR

Christmas luhn Misineri

Sel Loran Cook

Ke Christmas se ahkluo luhk ke kuhlwacnsap luhn misineri luhk ah, misineri se wiyuck ac nga muhtwacta yurin sie mempucr tufahna pacptaislac ac sucu lal. Tukun

mongo ekuh in Christmas na yohk se, kuht sruhmuhn nuh selos sie sramsram kuh pweng ke Christmas.

Kuht ngihstre sin sucu uh in sruhluh kuhtuh petsac ke kuhtuh ma ahkacsmakinyaclos ke pacl se inge, ma oacna itu, mwe sang, isuslac luhn Kraist, ac sahk in Christmas. Tohkoh kuht rit ke ma suhmuhslah uh, weacng 2 Nephi 19:6: "Tuh isuslac nuh sesr sie tuhlihk, utuckuc nuh sesr sie wen; ac kafuhrmacn ac fah oan fin pihsacl, ac el ac fah pahngpahng, Wolacna, Mwet Puh, God Kuhlacna, Pahpah Ma pahtpaht, Fihsrwack luhn Mislac." Kuht yuck "Sie Pacl lun Siti Fuhlwact lal David" (*On in Alu*, no. 205), liye petsac mukwikwi se ke isuslac luhn Leum, ac fahkwack luhlahlfongi ke Jisus Kraist.

Christmas ke ohiac srihsrihk, liki sucu lasr ac ohiac kuht oruh pacl uh nuh kwewa in ahkfuhlwact, tuhsruhkuh tuh ke kuht fahkwack luhlahlfongi ke Mwet Lahngo, nga puhlakihn luhngse ac insewowo luhk Kacl ac isuslac Lal yohk liki met. Nga etuh lah Christmas sahflah luhk ke kuhlwacnsap in misineri nuh sin Pahpah tuhmuhk Inkuhsrao pa inge, tuhsruhkuh tuh nga oacyacpac kahlwem kac lah Nguhn Muhtahl lal ac fah fahkwack nuh sihk ke Wen nahtuhl yen nuh kwewa nga oasr we.

TUHLIHK

Suk in Liye Mwet Lahngo

Prestuhn Uchtdorf el fahk lah ke pacl in Christmas uh kuht enenuh in suk ma ahkacsmakinye kuht ke moul luhn Mwet Lahngo. Sokwack mwe kahsrh ke ma suhmuhslah ten inge in lutlut ke kuhtuh ma yohk ma sikyak ke moul Lal an.

Mattu 2:1–2

Luke 2:46

Mattu 15:32–38

Luke 8:49–55

Luke 23:33–34, 44–46

Jon 20:11–20

© 2010 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/09. Ahkkweyeyucklac ke lweng: 6/09. Lwenglah luhn *First Presidency Message, December 2010*. Kosraean. 09372 868



Ma Kunacsr in Wi Oruh Orekma lun Tempuhl ac Sramsram Mahtuh ke Sucu an

Lutlut ke ma inge ac, fin ohi, sramsramkihn nuh sin muhtwacn wiyowos ma kowos muhtwacta yohroh an. Orekmakihn kuhsen siyuck ingacn in kahsrwe kom ahkkweye muhtwacn wiyom ingacn ac in oruh U luhn Muhtwacn in Kasruh an in sie ip fokoko ke moul lom sifacna an.

Luhlahlfongi • Sucu • Kahsrwelah

Yac pucspucs somlah ah mwet pucspucs misac ac tiac etuh ke wosasuc uh. Kuhtuh sin mwet ingacn sucu na fototo ac oacy-acpac loes lowos. Elos tuhpan kowos in oruh sukok fal in kapsrweni sucu lowos an nuh sie ac orwacalah akwuck in molwelah ma ac molweloslac uh.

Inkaiyacn tempuhl fin facluh uh tiac kahfofo. Leum El olwelah tuh insiowos in forlah nuh sin pahpah uh tuh facluh fah tiac kuhnausyucklac nohfohn ke tuhkuh Lal uh (Iiye D&C 2:2–3).

Oasr mwe insewowo lowos sifacna kowos eis ke kowos wi orekma ke sramsram mahtuh luhn sucu ac orekma luhn tempuhl. Sie pa engan kom puhlakihn ke kowos kuhlwasnwapuh mwet mahtuh lowos. Sie pac pa kom in kuh in eis pwepuh in lwelah nuh ke tempuhl, suc akiklen nwacsnwacs lom ye muhtuhn Leum an. Elos suc tiac nwacsnwacs mihsenge ke pacl wo in eis pwepuh in lwelah uh enenuh in sun pisap kuh prestuhn luhn pracns in kuh in fal in eis ke pacl na sa. Nuhnak muhnahs nimet lwelah in wacngihn kuh fal yohk srihpac se inge yurum. Nga fahkwack lah Iwaclah sac pwacye

ac lah ma koluk uh kuh in nuhnak muhnahsyeyuck ke auliyak fal uh.

Ke kuht wi orekma ke tempuhl ac sramsram mahtuh luhn sucu uh, kuht etuh na pwacye lah oasr Nguhn yohrohrs in ahkwoye kuht in pacl upac ac kol kuht ke sulaclah yohk srihpac uh. Orekma luhn tempuhl ac sramsram mahtuh luhn sucu uh pa ip ke orekma lasr in sang kahsrh, kuh kuhlwasnwap, nuh sin mwet mahtuh lasr sifacna.

Julie B. Beck, prestuhn luhlahp ke U luhn Muhtwacn in Kahsrh.

Ke Ma Suhmuhsalah uh

Malakai 4:5–6; 1 Mwet Korint 15:29; 1 Peter 3:18–19; D&C 110:13–16; 128:24

Sin Ma Mahtuh Lasr

“Mwet Pahluh Joseph Smith el fahk, ‘Kunohkohn luhlahp se emet fin facluh se inge pa God El fihliac facsr in suk ke mwet misac lasr uh’ (*Sramsram Mahtuh ke Ahu*, 6:313). Ke muhtwacwackiyac ah me, tahmtahel ke Un Muhtwacn in Kahsrh uh pahtok orekma yohk se inge. Fin acn Nauvoo ke 1842, kena lal Sarah M. Kimball in kahsrh mwet

muhsahi tempuhl uh pihrakwack u in tahmtahel se in orwaclosweni nuh sie elos in kuh in kuhlwasnwap wo. Ke elos fahsrweni ac, Mwet Pahluh . . . el akiyac Un Muhtwacn in Kahsrh se emet ke atac se el akiac ke pristut ah. Ke pacl sac fahlac, tahmtahel ke Un Muhtwacn in Kahsrh uh tahfwelah na orekma lalos ke Tempuhl Nauvoo. . . .

“Ke 1855, yac alkosr tukun Mwet Luhlahlfongi uh fihli fin acn Utah, Iwen Mwe Sang tuh ahksahfyeyucklac. Eliza R. Snow, suc sie sin mempucr ke Un Muhtwacn in Kahsrh emet ac karuhnguhnwasnwap ma suhmuhslah luhn u sacn, tuh pahng sel Prestuhn Brigham Young ke 1866 in oruh prestuhn luhlahp luhn Un Muhtwacn in Kahsrh an. El ac tahmtahel wiyac luhlahlfongiyuck yohk ke orekma lalos ke Iwen Mwe Sang Muhtahl. Na, ke Tempuhl St. George, Logan ac Manti ac ahksahfyeyucklac ah, tahmtahel ekahsr inge, forfor nuh ke kais sie tempuhl inge elos in kuh in oruh orekma lalos ke mwet misac.”¹

MWE KAHSRUH

1. Mary Ellen Smooth, “Sramsram Mahtuh luhn Sucu: Sie Orekma ke Luhngse,” *Ensign*, Mahs 1999, 15.

Meac Nga Kuh in Oruh?

1. Nga ac kahsrh tahmtahel wiyuck uh in sokwack ke mwet mahtuh ac orwacrah akwuck luhn tempuhl lalos uh fuhkah? Motko nuh ke kais sie ohiyac luhn kais sie tahmtahel ke kom motko ohiyac fuhkah in sun enenuh lal an. Kom kuh in motko lah orekma ke sramsram mahtuh luhn sucu uh kwacna ahkkweye mempucr sasuc, sifil fohlohk, ac muhnahs kuhtuh an.

2. Ngac orekma luhn tempuhl kuh sramsram mahtuh luhn sucu uh ahkwoyeyuc ke pacl upac nuh sihk kuh kolyuc ke pacl nga oruh sulacrah yohk srihpac luhk uh?

Nuh ke mwe ahkkahlwemye sahyac, som nuh ke www.reliefsociety.lds.org.